



TOSHKENT DAVLAT YURIDIK UNIVERSITETI REKTORINING B U Y R U G ' I

17.12.2024

927-tm-son

Talabaga hayfsan e'lon qilish to'g'risida

Bugungi kunda Toshkent davlat yuridik universitetida (bundan buyon matnda TDYU deb yuritiladi) zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan TDYU Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, TDYUning Xalqaro huquq va qiyosiy huquqshunoslik fakulteti 2-kurs talabasi Ismatov Asliddin Yusup o'g'li 2024-yil 20-noyabr kuni TDYU 2-bino 214-xonada soat 16:20 dan 16:30 gacha bo'lgan tanafus vaqtida Biznes huquqi fani o'qituvchisi Azimov Turgunboy Nasretdinovichning yo'qligidan foydalanib stol ustidagi sumkasining zamogini ochib ichidagi davomat varag'ini o'zining qo'l telefoniga rasmga olib, yana o'z joyiga qo'yib qo'ygan.

Shuningdek, talaba Baxrinov Sardor Xoliyor o'g'li kursdoshi A.Ismatov bilan oldindan kelishib o'qituvchining sumkasidagi davomat varag'ini olayotgan vaqtida o'qituvchi kelib qolsa ogohlantirish uchun 214-xona eshigi oldida qarab turgan.

Mazkur holat yuzasidan A.Ismatov o'z tushuntirish xatida tanafus vaqtida Biznes huquqi fani o'qituvchisi T.Azimovning yo'qligidan foydalanib stol ustidagi sumkasining zamogini ochib ichidagi davomat varag'ini o'zining qo'l telefoniga rasmga olib yana o'z joyiga qo'yib qo'yganligini qayd etgan.

Shuningdek, talaba S.Baxrinov o'z tushuntirish xatida kursdoshi A.Ismatov o'qituvchi kelib qolsa ogohlantirishini iltimos qilganligi uchun eshik oldida qarab turganligini qayd etgan.

Talabalar A.Ismatov va S.Baxrinovlar mazkur harakatlari bilan TDYU Odob-axloq kodeksi 17-moddasi 7-xatboshisi (xodim, talaba, doktorant yoki

boshqa shaxslarning mulkiga, moddiy qimmatliklariga egalik qilish, foydalanish yoki tasarruf etish uchun turli ko‘rinishda egallab olish, basharti ushbu holat tegishli asoslar bilan o‘z tasdig‘ini topsa); 18-moddasi 2-xatboshisi (xodim, talaba va doktorantlarning o‘zaro munosabatlarida inson qadr-qimmatiga hurmatsizlik, shaxsiyatni kamsitish, o‘zganing intellektual mulki yoki boshqa ijod mahsulini ruxsatsiz o‘zlashtirib olish, qo‘pollik, behayo so‘zlar ishlatish, mushtlashish qat’iyan man etiladi) talablarini buzgan.

Yuqoridagilarni inobatga olgan holda Oliy ta’lim to‘g‘risidagi nizom (ro‘yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasi 7-xatboshisi va 18-moddasi 2-xatboshisi hamda TDYUning Ichki tartib qoidalari 83-bandiga asosan

BUYURAMAN:

1.TDYU Odob-axloq kodeksi 17-moddasi 7-xatboshisi va 18-moddasi 2-xatboshisi talablarini buzganligi uchun TDYUning Xalqaro huquq va qiyosiy huquqshunoslik fakulteti 2-kurs talabalari Ismatov Asliddin Yusup o‘g‘li va Baxrinov Sardor Xoliyor o‘g‘liga hayfsan e’lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e’tiboriga yetkazilishi va keng muhokama qilinishini ta’minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabalarning shaxsiy hujjatlar yig‘majildiga buyruq nusxasi tikilishini ta’minlasin;

boshqa nojo‘ya harakat takror sodir etilsa, mazkur talabalarni talabalar safidan chetlashtirish mumkinligi to‘g‘risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Yoshlar masalalari va
ma‘naviy-ma‘rifiy ishlar
bo‘yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Katta yuriskonsult

A.TURSUNOV

